

ხელშეკრულება №21/13-021 (9)

კვალიფიციური ელექტრონული ხელმოწერის/შტამპის შექმნის საშუალების წამკითხველის სახელმწიფო შესყიდვების შესახებ

ქ. თბილისი

17 თებერვალი, 2021 წ.

საჯარო სამართლის იურიდიული პირი - სახელმწიფო სერვისების განვითარების სააგენტო (შემდგომში – მიმწოდებელი), წარმოდგენილი სააგენტოს ადმინისტრაციის (დეპარტამენტი) დირექტორის დროებით მოვალეობის შემსრულებლის, თამარ ჩუბინიძის სახით და საჯარო სამართლის იურიდიული პირი - საჯარო რეესტრის ეროვნული სააგენტო, (შემდგომში – შემსყიდველი), წარმოდგენილი საჯარო რეესტრის ეროვნული სააგენტოს შესყიდვების სამსახურის უფროსის ვახტანგ შავგულიძის სახით, შემდგომში ერთობლივად წოდებულნი როგორც მხარეები,

„სახელმწიფო სერვისების განვითარების სააგენტოს შესახებ“ საქართველოს კანონის მე-4 მუხლის მე-3 პუნქტის, „საჯარო სამართლის იურიდიული პირის შესახებ“ საქართველოს კანონის მე-12 მუხლის პირველი პუნქტის „ე“ ქვეპუნქტის, „კვალიფიციური ელექტრონული ხელმოწერის/შტამპის შექმნის საშუალების წამკითხველის ხელმისაწვდომობის მიზნით განსახორციელებელი ღონისძიებების შესახებ“ სსიპ - სახელმწიფო სერვისების განვითარების სააგენტოს თავმჯდომარის 2020 წლის 4 მაისის №338/ს ბრძანების საფუძველზე და შემსყიდველის 2021 წლის 12 თებერვლის (სააგენტოში რეგისტრაციის თარიღი - 18971) წერილის შესაბამისად, წინამდებარე ხელშეკრულებით თანხმდებიან შემდეგზე:

1. ხელშეკრულების საგანი

1.1. წინამდებარე ხელშეკრულება არეგულირებს მხარეთა შორის ურთიერთობებს, რაც წარმოიშობა კვალიფიციური ელექტრონული ხელმოწერის/შტამპის შექმნის საშუალების წამკითხველის ყიდვა-გაყიდვისას.

1.2. წინამდებარე ხელშეკრულების საფუძველზე მიმწოდებელი ყიდის **50 (ორმოცდაათი) ერთეულ კვალიფიციური ელექტრონული ხელმოწერის/შტამპის შექმნის საშუალების წამკითხველს**, ხოლო შემსყიდველი ყიდულობს **50 (ორმოცდაათი) ერთეულ კვალიფიციური ელექტრონული ხელმოწერის/შტამპის შექმნის საშუალების წამკითხველს**, რისთვისაც იხდის შესაბამის ღირებულებას. (CPV კოდი - 30233300 „ინფორმაციის შემნახველი და წამკითხველი საშუალებები“).

2. ხელშეკრულების ღირებულება

2.1. ერთი ერთეული კვალიფიციური ელექტრონული ხელმოწერის/შტამპის შექმნის საშუალების წამკითხველის ღირებულება შეადგენს **20 (ოცი) ლარს ყველა გადასახადის ჩათვლით**.

2.2 ხელშეკრულების საერთო ღირებულება შეადგენს **1 000 (ათასი) ლარს ყველა გადასახადის ჩათვლით**.

2.3. შემსყიდველის მიერ ხელშეკრულების ღირებულების გადახდა ხდება უნაღდო ანგარიშსწორებით მხარეთა შორის გაფორმებული მიღება-ჩაბარების აქტისა და მიმწოდებლის მიერ წარმოდგენილი სასაქონლო ზედნადების საფუძველზე, დოკუმენტების სრულყოფილად გაფორმებიდან **3 (სამი) სამუშაო დღის განმავლობაში**.

3. მხარეთა ვალდებულებები:

3.1. მიმწოდებელი ვალდებულია:

3.1.1. გადასცეს შემსყიდველს უფლებრივად და ნივთობრივად უნაკლო მოძრავი ნივთი.

3.1.2. შემსყიდველს მიაწოდოს კვალიფიციური ელექტრონული ხელმოწერის/შტამპის შექმნის საშუალების წამკითხველი - - Card reader scr3310 v2.0.

3.1.3. თუ ნასყიდობის საგანი აღმოჩნდება დაფარული ნაკლის მქონე, საკუთარი ხარჯით გამოასწოროს ეს ნაკლი ან ჩაანაცვლოს სხვა კვალიფიციური ელექტრონული ხელმოწერის/შტამპის შექმნის საშუალების წამკითხველით. მიმწოდებელი უღებამოსილია უარი თქვას ნაკლის გამოსწორებაზე, თუ ეს მოითხოვს შეუსაბამოდ დიდ ხარჯებს.

3.2. შემსყიდველი ვალდებულია:

3.2.1. მიიღოს მიმწოდებლისგან ნასყიდობის საგანი ამ ხელშეკრულებით დადგენილ ვადაში და წესით.

3.2.2. წინამდებარე ხელშეკრულების ღირებულება გადაიხადოს სრულად, ხელშეკრულებით დადგენილ ვადაში და წარადგინოს ამის დამადასტურებელი დოკუმენტი გადახდიდან **3 (სამი)** სამუშაო დღეში.

3.2.3. მიმწოდებლის მიმართ ამ ხელშეკრულებით ნაკისრი ვალდებულებები შეასრულოს კეთილსინდისიერად და ჯეროვნად.

4. განსაკუთრებული პირობები

4.1. შემსყიდველს არ წარმოეშვება უფლებები ნასყიდობის საგნის ნაკლის გამო, თუ მან წინამდებარე ხელშეკრულების დადების მომენტში იცოდა ამ ნაკლის შესახებ ან ნივთის გადაცემიდან ერთი კალენდარული დღის ვადაში არ აცნობა მიმწოდებელს ამის თაობაზე.

4.2. მიღება-ჩაბარების აქტი მხარეთა შორის გაფორმდება ფაქტობრივად მოწოდებული შესყიდვის ობიექტის შესაბამისად, მიმწოდებლის მიერ წარმოდგენილი სასაქონლო ზედნაღების საფუძველზე.

4.3 ხელშეკრულების შესრულების კონტროლს ახორციელებს საჯარო რეესტრის ეროვნული სააგენტოს მსოფლიო ბანკის „ირიგაციის და მიწის ბაზრის განვითარების პროექტის“ მიწის ბაზრის განვითარების კომპონენტის უფროსი ამბინველი, ირაკლი ჩიბურდანიძე.

4.4. მიმწოდებელი შემსყიდველს ნასყიდობის საგანს გადასცემს წინამდებარე ხელშეკრულების დადების შემდეგ, **ხელშეკრულების გაფორმებიდან 5 (ხუთი) სამუშაო დღის ვადაში**. შესაბამისი მიღება-ჩაბარების აქტის გაფორმების საფუძველზე.

4.5. მიმწოდებლის მხრიდან მიღება-ჩაბარების აქტზე ხელმომწერი პირია სსიპ - სახელმწიფო სერვისების განვითარების სააგენტოს, მატერიალურ-ტექნიკური უზრუნველყოფის სამსახურის თანამშრომელი, გიორგი ხაბალაშვილი, ხოლო შემსყიდველის მხრიდან - საჯარო რეესტრის ეროვნული სააგენტოს შესყიდვების სამსახურის უფროსი, ვახტანგ შავგულიძე.

4.6. ხელშეკრულების 4.5 პუნქტით გათვალისწინებულ მიღება-ჩაბარების აქტებზე ხელმოწერის უფლებამოსილება აქვთ აგრეთვე შესაბამის პირთა მოვალეობის შემსრულებელ პირებს.

5. მხარეთა პასუხისმგებლობა

5.1. მხარეებს ეკისრებათ პასუხისმგებლობა დაკისრებული ვალდებულებების შეუსრულებლობის ან არაჯეროვნად შესრულებისათვის კანონმდებლობის შესაბამისად.

5.2. თითოეული მხარე ვალდებულია დაკისრებული ვალდებულება შეასრულოს ხელშეკრულებით დადგენილი წესითა და ფარგლებში. ამასთან, თითოეულმა მათგანმა ხელი უნდა შეუწყოს მეორე მხარეს ვალდებულების შესრულებაში. მხარე, რომელიც არღვევს ნაკისრ ვალდებულებას, ვალდებულია დაუყოვნებლივ უზრუნველყოს მისი აღმოფხვრა.

5.3. მიმწოდებელს პასუხისმგებლობა ეკისრება შემსყიდველისათვის მიწოდებული ინფორმაციის სისწორეზე.

5.4. მხარეები ცნობენ და აღიარებენ დოკუმენტებს, რომელიც მათ მიერ მიღებულია წერილობითი ფორმით.

6. დავის გადაწყვეტის წესი

6.1. მხარეთა შორის წარმოშობილი ნებისმიერი უთანხმოება გადაწყდება ურთიერთშეთანხმების გზით.

6.2. მხარეთა შეუთანხმებლობის შემთხვევაში, დავას, საქართველოს კანონმდებლობით დადგენილი წესით, გადაწყვეტს სასამართლო.

7. დასკვნითი დებულებანი

7.1. ხელშეკრულება იდება ქართულ ენაზე, თანაბარი იურიდიული ძალის მქონე 2 (ორი) ეგზემპლარად, რომელთაგან ერთი ეგზემპლარი გადაეცემა მიმწოდებელს, ხოლო მეორე - შემსყიდველს.

7.2. ხელშეკრულებაში ცვლილებები შეიძლება შეტანილ იქნეს მხოლოდ მხარეთა წერილობითი შეთანხმებით.

7.3. ურთიერთობები რომლებიც არ არის რეგულირებული წინამდებარე ხელშეკრულებით, გადაწყდება საქართველოს კანონმდებლობის შესაბამისად.

7.4. ხელშეკრულება ძალაში შედის მისი ხელმოწერისთანავე და მოქმედებს 2021 წლის 31 მარტის ჩათვლით.

8. მხარეთა რეკვიზიტები

8.1. სსიპ „სახელმწიფო სერვისების განვითარების სააგენტო“ - მის: ქ. თბილისი, სანაპიროს ქ.№2 ს/კოდი: 202307404. ანგარიშის რეკვიზიტები: სახელმწიფო ხაზინა: TRESGE22 სახაზინო კოდი: 707437519.

8.2. სსიპ „საჯარო რეესტრის ეროვნული სააგენტო“ - მის.: ქ. თბილისი, გორგასლის ქ. №22; ს/კოდი: 202238621. ანგარიშის რეკვიზიტები: სახელმწიფო ხაზინა, TRESGE22 სახაზინო კოდი: 202255407.